



Ujaqqat pinneraasiassat aalajangersimasut nunatsinni piaarneqarsimasut suliareqqaarlugit sileqqaarlugillu nunatsinniit anninneqartarnissaat piumasaqaatigineqalissagaluarpat pitsaaqutigisinnaasai pitsaanngaqutigisinnaasaalu pillugit apeqquteqaat aallaavigalugu oqallisissiaq.
(Inatsisartunut ilaasortaq Peter Olsen, Inuit Ataqtigiit)

Aammaarluta ujaqqanut pinneraasiassanut isummatsinnik saqqummiissalluta periarfissinneqaqqippugut. Pisartut pingaarnersai iserfigissavakka taamatuttaarlu immikkoortumi uani Demokraatit politikkiat pingaarnertut iserfigissavakka.

Siunnersuuteqartup oqarneratut sutigut tamatigut uagut kalaallit aningaasarsiornerput siuarsarniassavarput. Tamatta tamanna isumaqatigaarput - isumaqatigiikkunnaartarpugulli eqqartuleraangatsigu qanoq tamanna angussanerlutigu?

Siunnersuuteqartup oqarneratut periarfissagut sutigut tamatigut atorluarniartassavagut tamannalu assortorsinnaangilarput. Tamatta ilungersortariaqarpugut. Maani ataatsimiittarfimmi suliasaraarput nunatsinnut innuttaasunullu pitsaasunik sinaakkusersuinissarput inatsisiliornissarpullu, pitsaanerpaamik aallariarfissaqaqqullugit.

Nunami maani ineriartornissaq siuariartornissarlu kissaatigigaanni taava aamma inatsisit naleqqussarneqartuarnisaanut ammasariarqarpoq. Illuatungaani allanngueqqullusilluta, siuartoqqusilluta tunguinerlu pitsanngorsaqqullugu niilliassanngilagut allanngortitsiومانatalu. Pisariaqarpoq sapiissuseqarnissarput pisinnaanissarpullu - oqimaaqatigiinnerli ersarissuussaaq, innuttaasut nunarpullu eqqarsaatigisariaqaratsigit. Kisianni nammineq takkunneq ajorpoq - suna tamarmi akeqarpoq.

Iluaqutit akornutillu iserfigissagutsigit taava unneqqarillunga oqassaanga, oqaatigiuminaatsikujuppara. Ilisimasaqarnerpaammi taakkuupput ulluni naliginnarni tamakkunannga suliaqartut. Oqalliseqataaffigisinnaasagut uagut tassaapput suliffiit, akileraarutit allallu. Nuna iluaquserneqarsinnaavoq - aappaatigulli atorfiit inuttalersinnaanngilagut pinneraatit nunani allani suliareqqaarneqartassappata, tamatumali pinnginnissaa inatsisiliunneqarsinnaavoq, qularnaarlugulu oqimaaqatigiisumik ujaqqat pinneraasiassat akileraarusersorneqarnissaat.

Demokraatiniit isumaqarpugut, qujanaqisoq Kalaallit Nunatta imartaani aalisagalissuummat qalerualippassuaqarmallu. Ukiorpassuarni tamakku isaatitsissutigisinnaanikuuagut aammali nalunngilarput nunarsuarmi niuerfinni allannguallannerit akigissaartitsilersinnaasartuq imaluunniit akiluttortitsilersinnaasartuq. Taamaattumik oqarpugut pisuussutit assigiinngitsut iluanaarniutigisinnaasariaqarigut. Tassani pisuussutit uumaatsut ilaapput. Nalissaqanngitsumik pinnerorsuarmik avatangiiseqarpugut aamma isumarput naapertorlugu aalisarnerup sanitigut pinngortitap



pisuussutai allat aningaasarsiutigilluarsinnaavagut. Pikkorinnerusariaqarpugut periarfissanik atorluaanissatsinnut, allatigummi iluatsitsigutta allanut sunniuteqarluartussaavoq iluatsitap nassatai ajunngitsut pissutaallutik. Tamanna siuariartormik, tunguinermik, ineriartormik atungarissaarnermillu kinguneqassaaq.

Taakkuugallarput Demokraatit oqallinnermut ilanngukkusutaat.